

Ճանապարհային ոստիկանության վարչական տույժ նշանակելու մասին թիվ
2011463424, 2011487085, 2011427041, 2011431902, 2011412569, 2011395621 որոշումները
անփոփոխ, իսկ վարչական բողոքն առանց բավարարման թողնելու մասին

<<01>> 10 2020թ 7-13- 12259

ք. Երևան

Ճանապարհային ոստիկանության պետ, ոստիկանության գնդապետ
Ե. Կարապետյանս, վերանայելով Վազգեն Հունանյանի ՄԴ/131519-20, ՄԴ/131522-20,
ՄԴ/131524-20, ՄԴ/131528-20, ՄԴ/131535-20, ՄԴ/126768-20 և ՄԴ/126770 դիմումների
քննարկման արդյունքում ստեղծված նյութերը՝

Պ Ա Ր Ձ Ե Ց Ի

Երևան քաղաքի Արաբկիր վարչական շրջանի Ն. Տիգրանյան փողոցի 21/2-րդ տան
բնակիչ Վազգեն Հունանյանը դիմումներով խնդրել է վերանայել Ճանապարհային
ոստիկանության վարչական տույժ նշանակելու մասին թիվ 2011463424, 2011487085,
2011427041, 2011431902, 2011403402, 2011412569, 2011395621 որոշումները՝ նշելով, որ իր
տրանսպորտային միջոցը չի գտնվել 3.27 <<Կանգառն արգելվում է >> ճանապարհային
նշանի ազդման գոտում :

Դիմումի քննարկման արդյունքում պարզվել է, որ թիվ 2011463424, 2011487085,
2011427041, 2011431902, 2011412569, 2011395621 որոշումները ենթակա է կատարման
հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված
ճանապարհային երթևեկության կանոնների խախտումների վերաբերյալ գործերով
իրականացվող վարչական վարույթի առանձնահատկությունների մասին>> օրենքի 3-րդ
հոդվածի 1-ին մասի համաձայն՝ վարչական վարույթի իրավախախտման հատկանիշների
պարզման փուլում իրավախախտումը հիմնավորող ապացույցը իրավախախտումն
ամրագրած **տեսանյութն է կամ լուսանկար**, որը պարունակում է նաև տեխնիկական
միջոցով արձանագրված տվյալները: Ըստ նույն հոդվածի 2-րդ մասի՝ որպես
իրավախախտումը հիմնավորող ապացույց վարչական կամ դատական կարգով
բողոքարկման վարույթում կարող են օգտագործվել Վարչական իրավախախտումների
վերաբերյալ Հայաստանի Հանրապետության օրենսգրքի 251-րդ հոդվածով նախատեսված
ապացույցները:

<< Կառավարության <<Ճանապարհային երթևեկության կանոնները և
տրանսպորտային միջոցների շահագործումն արգելող անսարքությունների ու
պայմանների ցանկը սահմանելու մասին>> 28.06.2007թ. թիվ 955-Ն որոշման համաձայն՝
3.27՝ <<Կանգառն արգելվում է>> ճանապարհային նշանն արգելում է տրանսպորտային
միջոցների կանգառն ու կայանումը: Նշանի ազդման գոտին տարածվում է տեղադրման
տեղից մինչև դրանից հետո գտնվող մոտակա խաչմերուկ, իսկ բնակավայրերում,
խաչմերուկի բացակայության դեպքում, մինչև բնակավայրի վերջը: Նշանների

ազդեցությունը չի ընդհատվում հետադարձի և բաժանարար գոտու խզման, ինչպես նաև ճանապարհներին մերձակա տարածքներից ելքի և դաշտային, անտառային և այլ երկրորդական ճանապարհների հատման (հարման) տեղերում, եթե դրանցից առաջ համապատասխան նշաններ տեղադրված չեն.:

Վիճարկվող որոշումներով ամրագրված իրավախախտման PIN անհատական ծածկագրերի տակ զետեղված տեսանյութերի դրվագային ուսումնասիրությունն ակնհայտ է դարձնում այն փաստը, որ դիմումատուին պատկանող տրանսպորտային միջոցը 27.07.2020թ.-ին, ժամը՝ 10:00-ին, 03.08.2020թ.-ին, ժամը՝ 09:25-ին, 18.07.2020թ.-ին, ժամը՝ 09:50-ին, 20.07.2020թ.-ին, ժամը՝ 09:14-ին, 15.07.2020թ.-ին, ժամը՝ 10:44-ին և 11.07.2020թ.-ին, ժամը՝ 09:14-ին կանգառներ է կատարել Երևան քաղաքի Հ.Քոչար-Վաղարշյան փողոցների խաչմերուկի հատվածում 3.27՝ <<Կանգառն արգելվում է>> ճանապարհային նշանի ազդման գոտում:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ինչ վերաբերվում է դիմումատուի պնդմանը 5.16՝ <<Ավտոբուսի կանգառի տեղ>> ճանապարհային նշանի առկայությանը, ապա ՀՀ կառավարության 26.10.2006թ. թիվ 1699-Ն որոշման 50.34-րդ հոդվածի համաձայն, 3.27 նշանի ազդեցությունը չի տարածվում սահմանված երթուղով երթևեկող և տվյալ հատվածում ընդանուր օգտագործման տրանսպորտային միջոցների համար կանգառի կետեր ունեցող տրանսպորտային միջոցների վրա:

Ինչ վերաբերվում է թիվ 2011403402 որոշմանը, ապա բաց է թողնվել <<Վարչական իրավախախտումների վերաբերյալ>> ՀՀ օրենսգրքի 288-րդ հոդվածի սահմանված կարգով հանձնելու օրվանից 30-օրյա ժամկետները, ուստի դիմումը քննության ենթակա չէ:

Այսպիսով հիմնավորվել է, որ վարչական տույժ նշանակելու մասին վերը նշված որոշումները իրավաչափ են և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2011463424, 2011487085, 2011427041, 2011431902, 2011412569, 2011395621 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վազգեն Հունանյանին:



Ե.Կարապետյան